



Služba za investicije, komunalno-stambene i poslove mjesnih zajednica

Broj: 03-05-7840/19
Lukavac, 10.09.2019.godine

Na osnovu člana 69. stav (2) tačka e) i člana 70. stav (4) Zakona o javnim nabavkama („Sl. glasnik BiH“, broj: 39/14), na Preporuku Komisije za provođenje postupka javne nabavke broj: 03-05-7840/19 od 09.09.2019.godine u otvorenom postupku javne nabavke radova na izgradnji gradske pješačke zone u Lukavcu, a shodno članu 1. Rješenja o prenosu ovlaštenja na državnog službenika broj: 02-05-1056/19 od 29.01.2019.godine, pomoćnik Općinskog načelnika Službe za investicije, komunalno-stambene i poslove mjesnih zajednica, d o n o s i

**ODLUKU
o poništenju postupka javne nabavke**

Član 1.

Poništava se postupak javne nabavke radova na izgradnji gradske pješačke zone u Lukavcu, shodno članu 69. stav (2) tačka e) Zakona o javnim nabavkama („Sl. glasnik BiH“, broj: 39/14), iz razloga što je cijena prihvatljive ponude znatno veća od osiguranih sredstava za javnu nabavku.

Član 2.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Općina Lukavac je Odlukom pomoćnika Općinskog načelnika za investicije, komunalno-stambene i poslove mjesnih zajednica, broj: 03-02-1-7839/19 od 09.08.2019.godine pokrenula otvoreni postupak javne nabavke radova na izgradnji gradske pješačke zone u Lukavcu. Procjenjena vrijednost javne nabavke bez PDV-a iznosila je 183.000,00 KM.

Obavještenje o nabavci broj: 719-1-3-58-3-80/19 objavljeno je na Portalu javnih nabavki dana 09.08.2019.godine.

Komisija za provođenje postupka nabavke imenovana Rješenjem broj: 02-05-7902/19 od 13.08.2019.godine, otvorila je ponude i utvrdila sljedeće:

- da su u predmetnom postupku primljene dvije ponude;
- da su blagovremeno primljene dvije ponude;
- da nije bilo neblagovremeno primljenih ponuda;
- da je ponuda ponuđača „S.E-SARAJKA“ doo Živinice, nakon okoćanja postupka e-aukcije značajno premašila osigurana sredstva za predmetnu nabavku.

Strana 1 od 2



ISO 9001:2015
No. 308550 QM15

Općina Lukavac - Općinski Načelnik, Trg slobode 1, 75300 Lukavac
www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015 No.
308550 QM15


S tim u vezi Komisija se dana 05.09.2019.godine obratila pomoćniku Općinskog načelnika za investicije, komunalno-stambene i poslove mjesnih zajednica sa zahtjevom broj: 03-05-7840/19, kojim traži saglasnost za povećanje budžeta. Na gore navedeni akt, Služba za investicije, komunalno-stambene i poslove mjesnih zajednica, dana 09.09.2019.godine dala je prijedlog, obzirom da ne postoji mogućnost preraspodjele sredstava za dodatni iznos od 54.875,50 KM bez PDV-a, u skladu sa članom 69. stav 2. tačka e) ZJN („Službeni glasnik BiH“, broj: 39/14), da se postupak nabavke radova na izgradnji gradske pješačke zone u Lukavcu **poništi**.

Uzimajući u obzir navedeno, kao i činjenicu da ugovorni organ nema dovoljno osiguranih finansijskih sredstava, te da nije u mogućnosti pribaviti dodatna sredstava iz budžeta za predmetnu nabavku, primjenom člana 69. stav (2) tačka e) i člana 70. stav (4) Zakona o javnim nabavkama („Sl. glasnik BiH“, broj: 39/14) riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

Sekretar komisije:
Fahrudin Hasanhodžić



Po Ovlaštenju Općinskog načelnika
POMOĆNIK NAČELNIKA
Mirela Bubić, dipl. pravnik

Dostaviti:

1. "S.E-SARAJKA" doo Živinice
2. „HOLEX“ doo Živinice
3. Evidenciji i
4. Arhivi.